



ՀԱՅ ԵԿԵՂԵՑՈՒ ՏՈՆԵԼԻ ՍՐԲԵՐԻ ՀԱՄԱՌՈՏ ԿԵՆՍԱԳՐՈՒԹՅՈՒՆՆԵՐԸ

Հուլիսի 1-ին

ԶԱԲԱՐԻԱ ՄԱՐԳԱՐԵ

Զաքարիա մարգարեի մասին տես «Էջմիածին» ամսագրի սույն համարում, հուլիսի 29-ի՝ «Տասներկու մարգարեներ» շարքում:

Հուլիսի 8-ին

ԵՂԻՍԵ ՄԱՐԳԱՐԵ

Եղիսե մարգարեն ապրել և գործել է Քրիստոսից առաջ Թ դարի երկրորդ կեսին: Եղիսեն Հին Կտակարանի հրաշագործ դեմքերից մեկն է՝ Մովսես մարգարեից հետո, հաջորդն ու աշակերտը Եղիա մարգարեի:

Իր մարգարեության տարիներին Եղիսեն մասնակցում է նաև Իսրայելի հասարակական կյանքին:

Նրա մասին կարդալ Գ Թագ. ԺԺ 16, Դ Թագ. Բ—Թ գլուխները և ԺԳ 14—21 համարները:

Հուլիսի 5-ին

ՏԱՄԵՐԿՈՒ ԱՌԱՔՅԱԼՆԵՐ

ՊԵՏՐՈՍ ԱՌԱՔՅԱԼ

Պետրոս առաքյալը գլխավորն էր առաքելական դասի մեջ թե՛ խոսքով, թե՛ գործով և թե՛ հեղինակությամբ: Ծնունդով Բեթսայիդա գյուղից էր, արհեստով՝ ձկնորս:

Երբ առաջին անգամ Հիսուսը հանդիպում է Պետրոսին, ասում է. «Հովնանի որդի

Սիմոն ես, դու պիտի կոչվես **Կեփաս**», որ նշանակում է վեմ, քար, հունարեն՝ պետրոս:

Երկրորդ անգամ Հիսուսի կողմից կոչվում է վեմ, երբ Պետրոսը հայտարարում է, թե Հիսուսը «Մեսիան էր և Որդի Աստուծո»:

Պետրոսը բնակություն է հաստատում Կափառնաումում: Նա բնավորությամբ անմիջական էր, ուղղամիտ: Սակայն ուներ նաև սայթաքումներ: Պետրոսն էր, որ Հիսուսի ձերբակալության գիշերը երեք անգամ ուրացավ նրան:

Պետրոսի մեծագույն գործը եղավ այն, որ աստվածային թելադրանքով և հատուկ տեսիլքով հեթանոսներին ընդունեց Եկեղեցու գիրկը (Գործք Ժ): Իր քարոզության ճանապարհին Պետրոսը Անտիոքից հասնում է Հռոմ և գլխավոր խաչվելով՝ նահատակվում: Նրա գերեզմանի վրա հետագայում կառուցվում է Հռոմի Ս. Պետրոս նշանավոր եկեղեցին:

Պետրոսը հեղինակն է Նոր Կտակարանի ընդհանրական երկու թղթերի:

ԱՆԴՐԵԱՍ ԱՌԱՔՅԱԼ

Անդրեասը Պետրոս առաքյալի եղբայրն էր և արհեստակիցը: Անդրեասը և Հովհաննես ավետարանիչը նախապես եղել են Հովհաննես Մկրտչի աշակերտները:

Ըստ ավանդության, Անդրեաս առաքյալը եղել է քարոզիչ սկյութացիների և հյուսիսային Հունաստանի: Նահատակվել է Բաթրաս քաղաքում, քաղմապատկության նշանի (X) ձևով խաչի վրա, խաչ, որն աղյ պատճառով հետագայում կոչվել է Ս. Անդրեասի խաչ:

ՀԱՅԿՈՐՈՍ ԶԵՐԵԴՅԱՆ ԱՌԱՔՅԱԼ

Հակոբոս առաքյալը կոչվել է նաև Մեծն Հակոբոս, իսկ հայոց մեջ՝ Գլխադիր առաքյալ։ Հակոբոսը գալիլիացի ձկնորսապետ Ջեբեդեոսի որդին էր, ավագ եղբայրը Հովհաննես Ավետարանչի։ Հակոբոս առաքյալի մայրը Ավետարանում հիշատակված Սոդոմեն է, Քրիստոսին հետևող կանանցից մեկը։

Հակոբոսը Պետրոսի և իր եղբոր՝ Հովհաննեսի հետ կազմում էին այն սեղմ շրջանակը, որն ավելի էր վայելում Քրիստոսի վստահությունը։

Հակոբոսի մահվան մասին գրված է Գործք Առաքելոցի մեջ (ԺԲ 1—2)։ Որպես առաքելական խմբի աչքի ընկնող անձնավորություն, 99 թվականին Հերովդեսի հրամանով ձերբակալվում և գլխատվում է։ Նա հանդիսանում է առաքելական խմբի առաջին նահատակը։

ՀՈՎՀԱՆՆԵՍ ԱՌԱՔՅԱԼ

Հովհաննես առաքյալը հանդիսանում է առաքելական խմբի ամենապայծառ ու խոհուն դեմքը։ Նրա մեջ ներդաշնակված են նկարագրի երկու հակադիր գծեր՝ եռանդ ու հանդարտություն, քաջություն ու բարություն, մեծություն ու խոնարհություն, սեր ու խստություն։ Իր բարեհամբույր բնավորության, նվիրումի և այլ ազնիվ հատկությունների համար արժանացել է Քրիստոսի մասնավոր սիրույն՝ կոչվելով «Սիրելի Աշակերտ»։

Հիսուսի ձերբակալման գիշերը Հովհաննեսը հավատարմորեն հետևեց իր վարդապետի չարչարանաց ողջ գիշերը՝ ուղեկցելով Նրան մինչև Գողգոթա։ Այստեղ է, որ Հիսուսն իր մորը հանձնում է Հովհաննեսին՝ «Սա է մայր քո», իսկ մորը՝ «Սա է որդի քո»։

Հովհաննեսն էր, որ երբ կիրակի առավոտյան լսեց Հիսուսի հարության լուրը, Պետրոսի հետ շտապեց գերեզման և հավատաց Քրիստոսի հարությանը՝ առանց հարուցյալը տեսած լինելու։

Հովհաննես առաքյալը մահացել է 100 թվականին Եփեսոսում, 95 տարեկան հասակում։

Հովհաննեսն է հեղինակը չորրորդ Ավետարանի, կաթողիկե երեք թղթերի և «Յայտնություն»։

ՄԱՏԹԵՈՍ ԱՌԱՔՅԱԼ

Մատթեոսը Ալիեոսի որդին էր և Կափառնաումի մեջ պետական հարկահավաք պաշտոնյա՝ մաքսավոր։

Մի անգամ, երբ Մատթեոսը նստած էր Կափառնաումի իր մաքսատան մեջ, Հիսուսն անցնում է այնտեղից։ Սրտագետն Աստուծո Որդին անմիջապես տեսնում է նրա մեջ առաքելական ատաղձ և, խոսքն ուղղելով նրան, ասում. «Ետևիցս արի»։ Մատթեոսը, լսած լինելով Կափառնաումի մեջ Հիսուսի քարոզների և կատարած հրաշքների մասին, սիրով և պատրաստակամությամբ հետևում է նրան։

Հետագայում Մատթեոսը, նախքան հրաժարվելը իր պաշտոնից և ընկերային շրջապատից, մեծ ընդունելություն է կազմակերպում, որտեղ հրավիրում է Հիսուսին՝ իր աշակերտներով, և իր բոլոր գործակիցներից։ Այս բանը դժգոհության առիթ է ստեղծում դպիրների և փարիսեցիների շրջանում։ Սակայն Հիսուսը հանդարտեցնում է նրանց՝ ասելով. «Առողջները բժշկի պետք չունեն, այլ հիվանդները, գնացեք և սովորեք, թե ինչ է նշանակում՝ ողորմություն եմ կամենում և ոչ՝ զոհ»։ Այնուհետև ավելացնում է. «Ես չեկա արդարները կանչելու, այլ մեղավորները»։

Մատթեոս առաքյալը քարոզության է ուղարկվել Պարսկաստան ու Պարթևաստան, որտեղ և նահատակվել է։

Մատթեոսը հեղինակն է առաջին Ավետարանի։

ԲԱՐԹՈՂԻՄԵՈՍ ԱՌԱՔՅԱԼ

Մեր տոնացույցում հիշատակվում է Բարթողիմեոս կամ Բարթոլոմեոս ձևով, սակայն անվան նախնական ձևն է Բարթոլոմեոս, որ նշանակում է՝ Թուրմեի որդի։ Հայոց առաջին լուսավորիչներ կոչված երկու առաքյալներից մեկն է Բարթողիմեոսը՝ Թադեոս առաքյալի հետ։

Նա Հովհաննու Ավետարանում կոչվում է նաև Նաթանայել (Ս 43—51)։

Բարթողիմեոս առաքյալը Պարսկաստանում քարոզելուց հետո մտնում է Հայաստանի սահմանները և Արտաշատում շարունակում իրենից առաջ այրտեղ եկած Թադեոս առաքյալի գործը։ Բարթողիմեոսը նույնպես կարողանում է թափանցել արքունիք, ինչպես Թադեոս առաքյալը, և դարձի քերել Սանատրուկի քրոջը՝ Ոգուհի իշխանուհուն, և Չարմայր հազարապետին։

Այնուհետև Ս. Թադեոս առաքյալը քարոզության համար անցնում է Արտազ, իսկ Ս. Բարթողիմեոսը՝ Հեր և Չարենանդ գավառներ և ապա՝ Ադրակ, Վանի գավառներից մեկը, ուր և նահատակվում է։ Ադրակի մոտ է գտնվում (այժմյան Բաշ-Վալա) Ս. Բարթողիմեոսի նշանավոր վանքը։

ՓԻԼԻՊՊՈՍ ԱՌԱՔՅԱԼ

Փիլիպպոսը բերապիտանի էր, Պետրոսի հայրենակիցը: Հավանաբար ինքը ևս Հովհաննես Մկրտչի աշակերտներից էր, որ տակալն հետագայում հետևեց Հիսուսին:

Հացերի հրաշքի առթիվ Փիլիպպոսն առաջինն էր, որ Հիսուսի կողմից հարցման ենթարկվեց, թե որտեղի՞ց հաց գտնել՝ այս հսկա բազմությունը կերակրելու համար:

Ապա նա հիշատակվում է հեթանոսների՝ Հիսուսին տեսնելու ցանկությանն նկարագրության մեջ:

Փիլիպպոսը քարոզել է Փոքր Ասիայում և նահատակվել Հիերեպոլիս քաղաքում՝ խաչելությամբ:

ԹՈՎՄԱՍ ԱՌԱՔՅԱԼ

Թովմասը ծանոթ է իր թերահավատությանը: Սակայն նրա մոտ թերահավատությունը բխում է ոչ թե անհավատությունից, այլ իրապաշտությունից: Թովմասը առաքինի և քաջ առաքյալ էր:

Երբ իր ընկեր առաքյալներից տեղեկանում է հարուցյալ Քրիստոսի մասին, Թովմասը թերահավատությամբ է ընդունում այս լուրը և պնդում, թե մինչև չտեսնի աչքով և ձեռքը չխորհի՝ Նրա խոցված կողի մեջ, չի հավատա: Իսկ երբ հաջորդ շաբաթ Հիսուսը երևում է իր առաքյալներին վերանստան մեջ, խոսքն ուղղում է Թովմասին և ասում. «Բեր մատներդ և դիր այստեղ, և տես ձեռքերս: Բեր ձեռքդ և մխե կողիս մեջ, ու մի լինիր անհավատ, այլ՝ հավատացալ»:

Ըստ ավանդության, Թովմասին ուղարկում են հետապնդ երկրներ՝ Պարթևաստան, Հնդկաստան, որտեղ արդարև առաքելական դարերից սկսած գոյություն է ունեցել քրիստոնեական եկեղեցի: Այս երկրների բնակիչները հավատացած են, որ իրենց նախահայրերը դարձի են եկել Թովմաս առաքյալի քարոզությամբ:

Թովմաս առաքյալը նահատակվել է Մադրաս քաղաքի մոտ՝ նետահարմամբ:

ԹԱԴԵՈՍ ԱՌԱՔՅԱԼ

Թադեոսը հայոց առաջին լուսավորիչն է: Ավետարանում նա կոչվում է Հուդա-Հակոբյան:

Ըստ մեր ազգային պատմության, Թադեոս առաքյալը նախ գալիս է Եդեսիա, որտեղ, Քրիստոսի խոստման համաձայն, բժշկում և քրիստոնյա է դարձնում Աբգար թագավորին: Եդեսիան հետագայում դառնում է քրիստոնեական հնագույն կենտրոններից մեկը:

Թադեոսն այնուհետև իր քարոզությունը շարունակում է դեպի հյուսիս, մտնում է հայոց Սանատրուկ թագավորի տիրության սահմանները և դարձի բերում շատ ու շատ հայերի: Ապա նա թափանցում է արքունիք, դարձի է բերում արքայադուստր Սանդուխտին, որը հետագայում նահատակվում է իր հոր՝ Սանատրուկ թագավորի ձեռքով, Ս. Թադեոս առաքյալի հետ:

Հետագայում Թադեոս առաքյալի գերեզմանի վրա, Արտագում, կառուցվում է փառավոր մի եկեղեցի:

Նա համարվում է առաջին նահատակ առաքյալն ու լուսավորիչը Հայոց աշխարհի:

ՀԱԿՈԲՈՍ, ԾՄԱՎՈՆ ԵՎ ՄԱՂԱԹԻԱ ԱՌԱՔՅԱԼՆԵՐ

Այս երեք առաքյալների մասին Ավետարաններում ոչ մի տեղեկություն չկա: Լոկ հիշատակված են նրանց անունները:

Հակոբոսը ծանոթ է Ալփյան մականունով, որով տարբերվում է Զեբեդյան Հակոբոսից: Կոչվում է նաև՝ Կրտսեր Հակոբոս: Հակոբոսը հավանաբար Ավետարանը տարել է Պաղեստինի հարավային ծովեզերքները և Եգիպտոս, որտեղ և նահատակվել:

Ծմավոնը, կամ հունական ձևով՝ Սիմոն, ծանոթ է Ավետարանի մեջ «Կանանացի» մակդիրով, որ նշանակում է՝ «նախանձաբույզ»: Այս անունով «աղանդ» կամ «կուսակցություն» գոյություն է ունեցել հրեաների մեջ, որոնք աշխատում էին թոթափել օտար լուծը իրենց վրայից և ասպարեզից վերացնել ուրացողներին ու օտարամոլ հրեաներին:

Ծմավոնը նահատակվել է Պարսկաստանում:

Մաղաթիան առաքյալների կողմից ընտրվում է մատնիչ Հուդայի փոխարեն, նրա մահից հետո (Գործք. Ա 25—26), որպես մեկը, որը հետևել է Քրիստոսին՝ Նրա մկրտությունից մինչև համբարձումը: Մաղաթիան հավանաբար քարոզել է Եթովպիայում:

ՊՈՂՈՍ ԱՌԱՔՅԱԼ

Վերոհիշյալ տասներկու առաքյալներից բացի հիշատակվում են նաև այլ առաքյալներ: Սրանց շարքում մեծագույնն է համարվում Պողոս առաքյալը, որը ծանոթ է նաև «Տասներեքերորդ առաքյալ» մակդիրով: Նա կոչվել է «Հեթանոսաց առաքել»:

Ծնվել է Կիլիկիայի Տարսոս քաղաքում, փրկչական թվականի առաջին տարիներին: Բարձրագույն կրթությունը ստացել է Տարսոսի համալսարանում, իսկ կրոնական լրա-

ցուցիչ դաստիարակությունը՝ Երուսաղեմում:

Պողոսի քրիստոնյա դարձի մասին կարդալ Գործք. Ը 1—40: Պողոսի առաքելական գործունեության և մահատակության մասին կարդալ Գործք ԺԴ—ԻԸ գլուխները:

Պողոսն արհեստով վրանակար էր և հռոմեական քաղաքացի: Նա ձեռներեցությամբ և հավասարապես քարոզում էր հրեական, հունական և հռոմեական շրջանակներում:

Իր քարոզչական առաքելություններից վերադարձին Երուսաղեմ ձերբակալվում է և տարվում Պաղեստինյան Կեսարիա, որտեղ ազատ բանտարկությամբ մնում է երկու տարի: Հռոմեացի դատավորը, չտեսնելով պատժի արժանի ոչ մի հանցանք, Պողոսին, նրա խնդրանքով, տեղափոխում է Հռոմ՝ քանի որ ինքը բողոքել էր կայսեր: Այստեղ մույնպես արդարանալով, ազատ է արձակվում: Ըստ ավանդության, այնուհետև շարունակում է իր քարոզչական գործունեությունը՝ հասնելով անգամ մինչև Իսպանիա:

67 թվականին կրկին վերադառնում է Հռոմ և ներոնյան հալածանքների շրջանում ձերբակալվում ու սրով մահատակվում:

Պողոս առաքյալը հեղինակն է Նոր Կտակարանում 13 առաքելական ամենակարևոր թղթերի:

Հուլիսի 17-ին

ԵՍՍՏԻ ՄԱՐԳԱՐԵ

Ծնվել և համարյա ողջ կյանքն անց է կացրել Երուսաղեմում:

Նա Հին Կտակարանի մեծագույն և ամենաազդեցիկ մարգարեն էր:

Ժամ կարևոր արժեք է Եսայիի մարգարեության գիրքը: Եսայիի մարգարեն կոչվել է «Նախավետարանիչ» կամ «Ավետարանիչ մարգարե»: Եսային մահ ազնվական մարգարե էր՝ բառի լայն իմաստով: Նա խոսում և պատգամում էր վեհությանը և հեղինակությանը, ինչպես վայել էր Աստուծո ղեկավարին: Հաճախ մահ կոչվել է մահ «դիվանագետ» կամ «քաղաքագետ» մարգարե: Նա շատ հաճախ հայտնում է իր տեսակետը կամ Աստուծո կամքը ազգային կամ միջազգային հարցերի կապակցությամբ: Քանի որ մահ սերտ կապերի մեջ է եղել արքունական շրջանակների հետ, ապա շատ հավանական է, որ պատվո մաս կազմած լինի Երուսաղեմի արքունի խորհրդի:

Իր մարգարեական գործունեությունը ծավալել է երեք թագավորների շրջանում՝ Հովթամի, Աքազիի և Եզեկիայի:

Ենթադրվում է, որ Եսային սղոցումով

մահատակվել է Մամսե ամբարիշտ թագավորի կողմից:

Հուլիսի 19-ին

ԹԱԴԵՈՍ ԱՌԱՔՅԱԼ ԵՎ ՍԱՆԴՈՒՆՏ ԿՈՒՅՍ

Այս մասին տես հուլիսի 5-ի՝ «Տասներկու առաքյալներ» շարքում:

Հուլիսի 21-ին

ԿԻՊՐՈՒԱՆՈՍ ԵՊԻՍԿՈՊՈՍ ԵՎ ՀՈՒՍՏԻԱՆԵ ԿՈՒՅՍ

Կիպրիանոսն ապրել և գործել է Գ դարում:

Ըստ Հայմավորքի, Կիպրիանոսն Ամսիոքի ազնվական և մեծահարուստ անձնավորություններից էր՝ խոր իմաստությանը և հմուտ՝ մոգության արվեստին:

Նույն քաղաքում էր ապրում մահ մի քուրմի դուստր Հուստիանեն, որ քրիստոնյա դառնալով՝ ճշմարիտ հավատքի է քերում մահ իր ծնողների:

Հեթանոս մի իշխան առաջարկում է Հուստիանեին՝ ամուսնանալ իր հետ: Վերջինս կտրականապես մերժում է այդ առաջարկը՝ պատճառաբանելով, որ ինքն արդեն իսկ հարսնացած է Քրիստոսին: Իշխանը ստիպված դիմում է Կիպրիանոս մոգին և, մեծագույնար ոսկի խոստանալով, խնդրում նրա օգնությունը՝ կախարդությամբ իրեն կապել Հուստիանեին:

Հակառակ այս բանի, Կիպրիանոսն ինքը, ազդվելով Հուստիանեի ցուցաբերած գերբնական զորությունից, քրիստոնյա է մկրտվում և կարճ ժամանակում հասնում էպիսկոպոսական աստիճանի ու իրեն մկրտում քարոզչական առաքելության: Իսկ Հուստիանեն, որ առանձնացել էր վանքի մեջ, ձեռնադրվում է սարկավագոսի:

Դեկոս կայսեր հալածանքների ժամանակ Կիպրիանոսը դատվում և աքսորվում է Նիկոմեդիա-Իզմիր ու Վաղերիանոսի օրոք՝ գլխատվում: Իսկ Հուստիանե կույսը մեռվում է եռացրած տապակի մեջ և մահատակվում:

ԵՎՓԻՄԵ ԿՈՒՅՍ

Եվփիմեն քաղկեդոնացի քրիստոնյա ազնվական ընտանիքի զավակ էր: Իր ողջ կյանքն Աստուծո մկրելու համար կուսության ուխտ է անում:

Դիոկղետիանոս կայսեր հալածանքների ժամանակ քաղաքի հեթանոս աստվածներ



րից մեկին ի պատիվ կազմակերպվում է մեծ հանդես: Այս հանդեսին հրաժարվում են մասնակցել Եվփիմեն և իր 49 ընկերները, որոնք հանդեսի ընթացքում թաքնվում են մի տան մեջ: Սակայն բոլորը հայտնաբերվում և տարվում են Պրիսկոս փոխգնդգլխի ատյան, որտեղ իր համարակախտությամբ աչքի է ընկնում Եվփիմեն՝ հեթանոսական սույն հանդեսը համարելով սին, սուտ ու սխալ: Հենց տեղում սրախող-խող են արվում Եվփիմենի 49 ընկերները, իսկ ինքը ենթարկվում է անուր չարչարանքների, որոնցից Աստուծո հրաշքով ազատվում է: Այնուհետև նետվում է գազանների մոտ, որտեղ նույնպես Աստուծո գործությամբ անվնաս է մնում: Սակայն Եվփիմեն նախընտրում է մեռնել գազանների ժանիքներից, քան՝ մարդկանց չարությունից, ու խնդրում է Աստուծոց, որ գազաններից ընդունի իր մահը: Այդպես էլ լինում է: Եվփիմենի մարմինը քրիստոնյաների կողմից գաղտնի թաղվում է պատվով:

ՔՐԻՍՏԻՆԵ ԿՈՒՅՍ

Քրիստինե կույսը Փյունիկայի (այժմ՝ Լիբանան) Տուր քաղաքից էր, տեղի կառավարչի դուստրը: Հավանաբար ապրել և գործել է Բ դարում: 12 տարեկան հասակում նրան ծնողներն ընծայում են հեթանոսական աստվածներին: Բարձր աշտարակ կառուցելով և ալնտեղ համադրելով ոսկե և արծաթե կուռքերին, հայրն իր դեռածու դստերը կարգում է կուռքերին քրմուհի՝ 12 նաժիշտներով:

Քրիստինեն երկնային ձերձիշտով ընթրում է քրիստոնեական կրոնի վեհությունը, իսկ դրան հակառակ՝ հեթանոսական աստվածների ոչնչությունը, ընդունում է քրիստոնեություն և, փշրելով կուռքերի թանկարժեք արձանները, վաճառում դրանք և ստացված գումարը բաշխում աղքատներին: Այս բանի համար նա նախ ենթարկվում է ծնողների, ապա պետական դատավորների կտտանքներին, որից և գտնում է իր մահը:

Հուլիս ամսում մեր Եկեղեցին տոնում է նաև հետևյալ սրբերի հիշատակը.

Հուլիսի 22-ին—Սուրբ Աթանասիոս Եպիսկոպոս և տասն աշակերտներ ու հինգ վկաներ:

Հուլիսի 24-ին—Սուրբ Ամսահայեր. Ադամ, Աբել, Աթ, Ենովս, Ենովք, Նոյ, Մեղքիսեդեկ, Աբրահամ, Իսահակ, Հակոբ, Հովսեփ, Մովսես, Ահարոն, Եղիազար, Հե-

սու, Սամուել, Սամսոն, Հեփթայի, Բարաք, Գեդեոն և ուրիշներ:

Հուլիսի 29-ին—Տասներկու մարգարեներ. Օվսե, Ամուս, Միքիե, Հովել, Աբդիու, Նավում, Ամբակում, Հովնան, Սոփոնիա, Անգե, Ջաքարիա և Մադաքիա:

Հուլիսի 31-ին—Սուրբ Սոֆյա և իր երեք դուստրերը՝ Պիստիս, Էլպիս ու Ագապի:

Հուլիսի 26-ին

Ս. ԳՐԻԳՈՐ ԼՈՒՍԱՎՈՐՉԻ ՈՐԴԻՆԵՐ ԵՎ ԹՈՒՆԵՐ

ԱՐԻՍՏԱԿԵՍ ՀԱՅՐԱՊԵՏ

Արիստակեսը Ս. Գրիգոր Լուսավորչի կրտսեր որդին էր: Նա շատ վաղ հասակից վարել է վանական կյանք: Եպիսկոպոս է ձեռնադրվել 318 թվականին իր հորից և դարձել նրա գործակիցը: 325 թվականին Հայ Եկեղեցու կողմից մասնակցել է Նիկիայի ժողովին: Արիստակեսը ոչ միայն գործակիցն էր իր հոր՝ Ս. Գրիգոր Լուսավորչի, այլև նրա տեղակալը՝ բացակայության ժամանակ:

Ըստ Մովսես Խորենացու, Արիստակեսը սպանվել է Չորրորդ Հայքի Արքեպիսկոպոս իշխանի կողմից՝ նրա անուղղելի վարքը քննադատելու համար: Թերևս Խորենացու այս տեսակետը վիճելի է: Իսկ ըստ Փավստոս Բյուզանդի՝ Արիստակեսը իր կյանքը կրճեղ է խոստովանական մահով:

ՎՐԹԱՆԵՍ ՀԱՅՐԱՊԵՏ

Վրթանեսը Ս. Գրիգոր Լուսավորչի անդրանիկ որդին էր: Նա կրթություն էր ստացել Կեսարիայում և 333 թվականին փոխարինել Արիստակեսին: Ամուսնությունից ունեցել է երկու զավակներ՝ Գրիգորիս և Հուսիկ:

Անժխտելի է, որ Ս. Գրիգոր Լուսավորիչը ժամանակին հաստատել էր քրիստոնեությունը Հայաստանում, սակայն շատ տեղերում դեռևս գոյություն ունեին հավատքը, հատկապես՝ Տարոնում: Այդ պատճառով Վրթանեսը ամեն տարի մեծահանդես պաշտամունք է կազմակերպում Տարոնում՝ դարձի բերելու հեթանոսներին: Այդ գործունեության համար Վրթանեսի վրա հեթանոսների կողմից կատարվում է մահափորձ, սակայն՝ անհաջող:

Վրթանեսը մահացել է 341 թվականին, 79 տարեկան հասակում, և թաղվել Դարա՛նաղյաց զավառի Թորոսան ավանում, իր հոր՝ Ս. Գրիգոր Լուսավորչի մոտ:

ԳՐԻԳՈՐԻՍ ԵՊԻՍԿՈՊՈՍ

Գրիգորիսը Վրթանես հայրապետի անդրանիկ որդին էր: Նա Հայ Եկեղեցու կողմից հարևան հեթանոս ազգերի շրջանում քրիստոնեությունը տարածելու մեծ ջանքեր է թափում: Այդ բանի համար էլ հաճախակի ցեղապետների կողմից հանդիպում է մեծ դժվարությունների, երբեմն՝ արգելքների և բռնությունների:

Ըստ ազգային ավանդության, հեթանոս ցեղապետների նկատմամբ կշտամբական դիրք բռնելու համար նրանց կողմից կասպից ծովի մոտ կապվում է ձիու պոչին և, քարերի ու թփերի մեջ քաշկոտվելով, Վատնյան դաշտում կնքում իր մահկանացուն: Գրիգորիս եպիսկոպոսի մարմինը իր սարկավազների ձեռքով թաղվում է Փոքր Սյունիքի Ամարաս ավանում:

489 թվականին, Աղվանից Վաչագան թագավորի օրոք, Գրիգորիս հայրապետի նշխարների վրա կառուցվում է Ս. Գրիգոր եկեղեցին:

ՀՈՒՍԻԿ ՀԱՅՐԱՊԵՏ

Հուսիկը Վրթանեսի երկրորդ որդին էր, որն ամուսնանում է Տիրան թագավորի դստեր հետ և ունենում երկու զավակներ՝ Պապ և Աթանագիան: Երիտասարդ հասակում ընտրվում է կաթողիկոս:

Մեր եկեղեցական պատմության մեջ Հուսիկը ներկայանում է որպես նախաձեռնող հայրապետ: Այդ պատճառով Հուսիկ հայրապետի և Տիրան թագավորի միջև գծությունն է առաջանում: Ըստ Մովսես Խորենացու, գծության պատճառը լինում է այն, որ Տիրանը ցանկանում էր Հուլիանոս Ուրացողի պատկերը կախել եկեղեցում, իսկ այդ բանին խիստ դեմ էր Հուսիկ հայրապետը: Բայց գծության ավելի հավանական պատճառը համարվում էր այն, որ Հուսիկը խիստ էր վերաբերվում Տիրանի ներքին կյանքին: Դրա համար էլ թագավորը, կաթողիկոսի վերաբերմունքից զայրացած, 347 թվականին, 52 տարեկան հասակում, բրածեծ մահվամբ սպանել է տալիս նրան Ծովքի հաբեղ քաղաքում:

Հուսիկ հայրապետի մարմինը թաղվում է Դարանաղյաց գավառի Թորդան ավանում:

ԴԱՆԻԵԼ ԵՊԻՍԿՈՊՈՍ

Հուսիկ հայրապետին հաջորդում է Դանիել Ասորի եպիսկոպոսը որպես տեղապահ, որը հավանաբար, Հուսիկի աշակերտն է եղել և կառավարիչը՝ Տարոնի վանքի: Դանիելը վարում էր սրբակյաց կյանք,

հեթանոսների շրջանում քրիստոնեություն էր տարածում, իսկ ծերության ժամանակ ապրում է միայնակյաց կյանք Տարոնի Դրախտ Հացյաց կոչված վանքում:

Դանիել Ասորին արքայի հետ առաջին իսկ հանդիպման ժամանակ խիստ հանդիմանական խոսքեր է ուղղում նրան՝ մեղադրելով արքային Հուսիկ հայրապետի սպանության մեջ: Այս բանի համար թագավորը 348 թվականին խեղդամահ է անել տալիս նրան:

Դանիել եպիսկոպոսի երկու աշակերտներ՝ Եպիփանը և Ծաղիտան, նրա մարմինը թաղում են Հարթ գավառի Հացյաց Դրախտ ավանում, իր մենարանում:

Հուլիսի 28-ին

ՄԱԿԱՔԵՏԱՆԵՐ

Հովհաննեսի որդի Հուդան իր քաջության և տարած հաղթանակների համար ստանում է Մակաբեոս հունական մակդիրը, որ նշանակում է մրճահար, հարվածահար: Այս մակդիրն այնուհետև անցնում է իր ընտանիքին, որոնք կոչվում են Մակաբյաններ: Այս ընտանիքից են սերված նշանավոր սուրբեր Եղիազար քահանան, Ծափումեն և իր յոթ որդիները:

ԵՂԻԱԶԱՐ ՔԱՀԱՆԱ

Հրեաների վրա Անտիոքի Սելևկյան թագավորությունը խիստ ճնշումներ է գործադրում, որի դեմ ընդվզում է ժողովուրդը: Դրանց թվին է պատկանում նաև իննսունամյա Մակաբյան Եղիազար քահանան: Նրան հրապարակավ ստիպում են խոզի միս ուտել, որից կտրականապես հրաժարվում է՝ քաջ գիտենալով հրաժարման հետևանքը:

«Եթե այժմ մեռնեմ քաջաբար, պիտի հաստատեմ, որ արժանի եմ եղել այս երկար տարիքիս, և երիտասարդներին լավ օրինակ պիտի թողնեմ՝ սովորեցնելու համար նրանց, թե ինչպես պետք է մեռնել ուրախությամբ և քաջությամբ մեր սուրբ օրենքների համար», ասում է նա:

Այս խոսքից հետո նրան ենթարկվում են ահավոր տանջանքների, որից և ստանում է իր նահատակությունը:

ՇԱՄՈՒՆԵ ԵՎ ԻՐ ՅՈԹ ՈՐԴԻՆԵՐԸ

Նույն հալածանքների շրջանին է պատկանում նաև նահատակությունը քաջասիրտ մի կնոջ՝ Ծամունեի, և նույնքան համարձակ իր յոթ զավակների:

Սրանց նույնպես թագավորի ներկայությամբ հանում են հրապարակ և ստիպում խոզի միս ուտել: Նրանք բոլորն էլ նախընտրում են մեռնել, քան հակառակ գնալ իրենց հայրենի օրենքներին:

Երկար հորդորներից հետո երբ թագավորը համոզվում է, որ իր ջանքերն իզուր են, հրամայում է ձաղկանքի ենթարկել բոլորին մոր ներկայությամբ՝ սկսելով ավագ որդուց: Մայրը քաջաբար է պահում իրեն այս քստմնեցուցիչ տեսարանին և հորդորում իր նահատակվող որդիներին.

«Ամենայն ինչի Արարիչն է, որ ձևակերպում է մարդուն իր ծննդյան պահից և ծրագրում ծագումը ամեն բանի: Ուստի Նա Իր ողորմությամբ ետ պիտի տա ձեզ ձեր կյանքը և շունչը, քանի որ այժմ դուք Նրա օրենքը ձեր անձերից վեր եք դասում»:

Որդիների նահատակությունից հետո գազանաբար սպանվում է նաև Ծամունեն:

Օգոստոսի 2-ին

ԳՐԻԳՈՐ ՆԱԶԻԱՆԶԱՍԻ ԿԱՍՏ
ԱՍՏՎԱԾԱԲԱՆ

Գրիգոր Նազիանզացին ծնվել է 329 թվականին Կեսարիայի Նազիանզ քաղաքում: Որդին էր Նազիանզ քաղաքի Սուրբ Գրիգոր Սքանչելագործ եպիսկոպոսի: Նա դասընկերն էր Բարսեղ Կեսարացի և Գրիգոր Նյուսացի եղբայրների:

Նազիանզացին վաղ հասակից նվիրվում է ճգնողական կյանքի: Սակայն հայրը, հակառակ որդու կամքի, հրավիրում է նրան իր եպիսկոպոսարան և 362 թվականին կուսակրոն քահանա ձեռնադրում ու նշանակում իրեն օգնական: 372 թվականին Գրիգորը ձեռնադրվում է եպիսկոպոս Սասիմա քաղաքի վրա, որտեղ, սակայն, մեկնելու ոչ մի հնարավորություն չի ունենում, քանի որ ծերացած հոր բոլոր գործերն ընկնում են իր ուտերին: 374 թվականին, հոր մահից հետո, կրկին անցնում է ճգնողական կյանքի: 379 թվականին հրավիրվում է Կ. Պոլիս և 381 թվականին ընտրվում Կ. Պոլսի պատրիարք: Նազիանզացին նախագահում է երկրորդ Տիեզերական ժողովին Կ. Պոլսում: Քանի որ վարչական գործերը հակասում էին իր հոգու ձայնին, ապա մեկ տարի հետո հրաժարվում է իր պաշտոնից և քաշվում իր հորենական կալված ու իրեն նվիրում հայեցողական կյանքի և զբաղվում գրականությամբ:

Գրիգոր Նազիանզացին մահացել է 395 թվականին:

Օգոստոս ամսում մեր Եկեղեցին տոնում է նաև հետևյալ սրբերի հիշատակը.

Օգոստոսի 4-ին—Եվգինենու, Մակարիոս, Վաղերիոս, Կանդիտոս և Ակյուղաս վկաներ:

Օգոստոսի 5-ին—Անդրե գորավոր և իր բանակը, Կալիմիկոս և Դոմետրիոս վկաներ:

Օգոստոսի 7-ին—Անդրիանոս և իր կին Անատոլիա վկայուհի, Թեոդորոս և Ելթյուրոս վկաներ:

Օգոստոսի 30-ին—Թովմա, Հակովբ և Ծմավոն առաքյալներ:

Օգոստոսի 26-ին

ՀՈՎԱԿԻՄ ԵՎ ԱՆՆԱ

Հովակիմը և Աննան սուրբ կույս Մարիամի ծնողներն են:

Հովակիմը Դավթի ցեղից էր, բարեպաշտ մի մարդ, իսկ Աննան՝ քահանայական տղանից, համեստ և երկյուղած մի կին:

Հովակիմը մի անգամ տաճարում զոհ էր մատուցում, ինչպես ուրիշները: Հերթապահ քահանա դիտողություն է անում նրան և պարտադրում, որ նա վերջում գա՛ պատճառաբանելով նրա անգամակ լինելը: Այս խոսքից վիրավորված, Հովակիմը քաշվում է մի լեռ և ճգնում:

Իմանալով ամուսնու հետ կատարվածի մասին, Աննան նույնպես իրեն նվիրում է աղոթքի և ապաշխարանքի:

Անցնում է ժամանակ, և մի օր Աննան, պարտեզում աղոթելիս, տեսնում է, թե ինչպես թռչունները կերակրում են իրենց ձագերին: Սիրտը լցվում է և լալահառաչ դիմում Աստծուն. «Վա՛յ ինձ, թռչուններն անգամ ձագուկներ ունեն, իսկ ես զրկված եմ զավակ ունենալու շնորհից»: Այդ պահին Տիրոջ հրեշտակը երևում է նրան և հայտնում, որ Աստված նրան մի զավակ է շնորհելու: Աննան խոստանում է այդ զավակը նվիրել Աստուծո:

Նույն տեսիլքը ունենում է նաև Հովակիմը, որը, համակ ուրախություն դարձած, վերադառնում է տուն և բազմաթիվ արջառներ ու ոչխարներ նվիրում տաճարին և քահանաներին:

Այնուհետև Աննան հղիանում և ծնում է մի մանուկ՝ լուսափայլ և հրեշտակային Մարիամին, որը հետագայում դառնում է Աստվածամայրը:

ՅՈՒՂԱԲԵՐ ԿԱՆԱՅԶ

Հիսուսի քարոզության ընթացքում Նրան էին հետևում ոչ միայն առաքյալները և աշակերտները, այլև մի շարք կանայք՝ Մարիամ Մագդաղենացին, Մարիամ Կղեով-

պան, Սողոմեն, Հովհաննան և ուրիշներ: Այս կանանց պաշտոնն էր՝ Հիսուսին և Նրա հետևողներին օգնել նյութական ծառայությամբ: Սրանք պատվական ընտանիքի բարեպաշտ կանայք էին, որոնցից ոմանք բուծվել էին չար դեերից և հիվանդություններից: Այս կանանցից ոմանք հետևում են Հիսուսի վերջին ճամփորդությանը Գալիլիայից դեպի Երուսաղեմ և ականատես լիճում Ավագ շաբաթվա դեպքերին, հատկապես Նրա խաչելությանը և թաղմանը: Հենց այս կանայք էին Հիսուսի հրաշալի հարության առաջին ավետաբերները: Եկեղեցու կողմից այս կանայք կոչվել են նաև «Յուդաքեր կանայք», քանի որ կիրակի, Քրիստոսի հարության առավոտյան, նրանք փութացել էին գերեզման՝ իրենց պատրաստած անուշահոտ յուղերով օծելու Քրիստոսի մարմինը:

Օգոստոսի 28-ին

ԵՐԵՄԻԱ ՄԱՐԳԱՐԵ

Երեմիան Հին Կտակարանի մեծագույն դեմքերից է: Ծնվել է 650-ական թվական-

ներին Երուսաղեմից ոչ շատ հեռու գտնվող Անաթոլիո գյուղում:

Երիտասարդ հասակից իսկ Երեմիան սրտանց կապվում է մարգարեական իր կոչմանը՝ Աստուծո թելադրանքով. «Ահավասիկ իմ խոսքը դրեցի քո բերանը. ահավասիկ այսօր հեղինակություն տվեցի քեզ ազգերի և թագավորների վրա» (Երեմ. Ա 4—10):

Երեմիան կանխատեսում է Երուսաղեմի և տաճարի կործանումը՝ որպես հետևանք իր ժամանակի կռապաշտության և ընկերային անարդարությունների: Նա իր համարձակ խոսքի համար բանտարկվում է մի ջրհորի մեջ:

Երեմիայի գրչին են պատկանում Հին Կտակարանի երկու կարևոր գրքերը՝ «Մարգարեություն Երեմեայ» (52 գլուխ) և «Ողբեր Սրբոյն Երեմեայ մարգարեի» (5 գլուխ), որտեղ հայրենասեր մեծ մարգարեն սրտառույ ձևով ողբում է իր ժողովրդի գլխին եկած դժբախտություններն ու թշվառությունները, «յետ գերութեանն Իսրայելի և աներածոյն Երուսաղեմի, նստէր և լայր և ողբայր»:

